

J. J.

DISSERTATIO INAVGVRALIS MEDICA
De

LABROSVLICIO

feu

CHEILOCACAE,

*Quam*SVB DIVINI NVMINIS
PRÆSIDIO,

CONSENSV ET AVTORITATE

GRATIOSISSIMÆ

FACVLTATIS MEDICÆ

*in*INCLVTA NORIMBERGENSIUM
VNIVERSITATE ALTDORFFINA

PRO LICENTIA

SVMMOS IN ARTE MEDICA
HONORES ET PRIVILEGIA DOCTO-
RALIA RITE CONSEQVENDI,PVBLICO ET SOLENNI ERVDITORVM EXAMINI
*subjiciet**horis consvetis**ad diem 28. Martii, A. C. MDC-XCVIII.*

CAROLVS RAYGER, Posonio-Vngarus.

V I R O
ILLVSTRI ATQVE EXCELLENTISSIMO
DOMINO
LVCAESCHROCK,
SAC. CAES. MAJESTATIS
ARCHIATRO,

ET
COMITI PALATINO NOBILI,
REIPVBLICÆ AVGVSTANÆ PHYSICO,
ACADEM. CAESAR. LEOPOLD.
NAT. CVRIOSOR. PRÆSIDI
CELEBERRIMO,

DOMINO SVO ET PATRONO
SVMMÆ OBSERVANDO ATQVE CO-
LENDO,

SPECIMEN HOC INAVGVRALE
ACADEMICVM

DEVOTA MANV ET MENTE
CONSECRAT
CAROLVS RAYGER,
POSONIO-HVNGARVS.



I. N. D. N. 7. C!

PRÆLOQVIVM.



*H*omo præterquam quòd mente Divinæ particulâ auræ præditus sit, solus etiam exornatus conspicitur facie, quæ secundum Johan. Riolanum Anthropographiæ lib. IV. c. 3. est tota corporis habitudo, quæsi factura corporis, & si credimus Grammaticis à faciendo dicta, quòd majore apparatu quàm ceteræ partes fabricata fuerit, vel quòd homines à brutis differre faciat; quamvis enim in singulis humani corporis partibus, egregium Divinæ sapientiæ specimen tanquam in speculo elucescat, una tamen facies cum ob artificii elegantiam & pulchritudinem, tum admirabilem cum animo consensum, reliqua membra dignitate ac pulchritudine longe superat. Non dicam jam de fronte amœniter frondente, nec verba faciam de lunatâ superciliorum iride, non loquar de luciferis oculorum orbibus geminis illis sideribus, nec de genarum purpurâ candore cinctâ, nec de nasi promontorio, sed contemplationem meam saltem defigam circa os, quod

-- homini sublime dedit, Coelumq; tueri
jussit, & erectos ad sidera tollere vultus

Rerum omnium conditor DEVS.

*Qualis io superi, qvalis nitor oris amœni
vocibus?*

Os roseum Thesæis fa-vis tinctum, Veneri consecratum, rivus amoris, gratiarum pyxis, flexanimi sermonis gazophylacium est. Labia sine labe omnem colorum vincunt gratiam, dulci madent nectare, sua veolentesq; animæ stillant rores, ut verbis utar Celeberrimi Rolfincii Dissertationum Anatomicarum Lib. I. cap. 9. Eapropter mirandum non est, pathemata morbida, quæ p. n. os affligunt, & pulchritudinem faciei inprimis vitare, etsi graviora fuerint, respirandi necessitatem, assumendi victus commoditatem, & loquæ expremendæ dulcedinem multum lædere: Et talia quidem plurima occurrunt, sicuti proposuit Johan. Riolanus Encheiridii Anatomici & Pathologici Lib. IV. cap. 5. ex quorum tamen classe mihi placuit in DISPUTATIONE INAUGVRALI, post consveta exantlata examina, Consensu GRATIOSISSIMÆ FACULTATIS MEDICÆ, declarandum seligere affectum gravissimum LABROSVLCIVM seu CHEILOCACE dictum à Clarissimo Arnolfo Bootio in Observationibus Medicis de affectibus omittis Cap. X., eundem autem dum ulterius nunc recensendum aggredior, Divini Numinis auxilium supplex imploro, à BENEVOLO LECTORE autem sicubi hinc inde humani quid passus fuero, veniam eò facilius me impetraturum confido, quò argumentum præsentis tractationis magis arduum, & à paucissimis Autoribus descriptum esse constat.

Sit ergo

CAPVT I.

Onomatologiam siue Denominationem proponens.

TH. I.

CUm ex recepto more in nomina tanquam τῶν ὄν-
των νοήματα inquirere prius nos oporteat, quàm ad
realem pertractationem nos recipiamus, eâdem
& ego incedam viâ, & paucis ὀνομαπλογίαι præ-
mittam.

II.

Dicitur ergò propositus affectus *Græcis* χειλοκάκη, no-
mine ex χῆλῳ labrum, & κάκη vitium composito, adeoq;
partem affectam designante, in *latinam* civitatem quoq;
recepto, ubi *Cheilocace* usitatum legimus, aliàs autem
peculiare nomen *Labrofulcium* à præcipuo ac maxime con-
spicuo symptomate desumptum apud *Boottium* loco antea ci-
tato invenimus, quia malum hocce conspectius red-
dunt foveolæ binæ in utroqve labio, unæ in latere oris
dextro, alteræ in sinistro, quæ ipsum labii corpus angu-
sto quidem, sed pro fundo sulco, dividunt.

III.

Angli & Hiberni (quibus idem morbus omni tempore
familiaris est, interdum verò etiam, Epidemiæ luis instar
in quamplurimos populariter grassatur, rarissime tamen
ac vix unquam adoritur adultos, sed infantes duntaxat
eosq; ferè ab altero ætatis anno, quamvis & teneriores ali-
quantò, & paulò vetustiores, non sint semper ab eo im-
munes,) appellatur Mouth Kanter siue Kanter of the
Mouth. *Belgi* huic ipsi malo propter scorbutum popula-
rem obnoxiiis Watter Kanter nuncupatur. *Germanis* no-
men proprium propositi affectus in suo Idiomate non-

dum innotuit, posset tamen ad imitationem Belgarum Wasser-Krebs / oder eine swässerichte Krebschaft-schwirige oder enterige Geschwulst mit tieffen Leffzen-Schrunden insigniri.

C A P. II.

Definitionem realem cum ratione ejus formali subjungens.

TH. I.

Missa Onomatologiâ ad Pragmatologian recto tramite progredior, eamque exordior à Descriptione, quæ auctore Galeno in Lib. de Medicis definitionibus ἐπὶ λόγῳ ὑποῶδός ἐμφανίζων τὰ πρῶτα, est oratio, quæ res per rudem imaginem representat: Sed enimvero cùm in medicinâ definitiones ad Logicorum regulas ad amussim exigere nimis severum foret, dabo sequentem medicam usui sufficientem.

II.

Cheilocace sive Labrosulcium est tumor p. n. durus & non nihil rubicundus, sed nequaquam fervidus aut inflammatorius, labii modo utriusque, ut plurimum saltem superioris, aliquantò magis introrsum quam ad exteriorem partem vergens, sicque labia à gingivis & dentibus longius abscedere & foras aliquatenus replicari magnâ cum deformitate efficiens, præcipuè autem foveolas binas in utroque labro, una in latere oris dextro, alteras in sinistro, (quæ ipsum labii corpus angusto quidem sed profundo sulco sanie madido aut crasso pure obsito, interdum quoque crustulis succrescentibus, dividunt.) producens, quandoque ad partes vicinas glandulosas latius se diffundens, enatus à lymphâ acidâ &na viscidâ in glandulis ibidem dispositis & substantiâ carnosâ extravasata coagulata, atque per moram ulteriorem acrimoniam virulentam planeque causticam nactâ.

Genus definitionis posuimus *tumorem p. n.*, utpote actiones, nempe assumendorum commodam apprehensionem, & concinnam loquelæ expressionem, atq; in quibusdam suctionem lactis, lædentem, sic enim distingvitur à labiorum in labeonibus, labronibus ac chilonibus inde dictis (qui plerumqve insipientes & hebetes esse solent, teste *Johanne Sigismund. Elsholzio in Anthropometria Cap. XVIII. p. m. 94.* notabili crassitie. Reliqua verba *differentiam* complectuntur *specificam*, illis siquidem probe pensitatis haud difficile erit præsentem affectum ab aliis labiorum & oris affectibus distinguere, ubi foveolæ descriptæ cum sulco haud obvenire solent. Nam tametsi aliàs quoqve *fissura labiorum* occurrat, illa tamen superficialis tantum, sive in membrana labia investiente saltem est contuitatis solutio, à nimia rigiditate vel tensione enata, qvalem vel interni vapores ex sanguine in febribus aliisq; morbis calidiore ascendentes, vel aër externus ficcior, aut asperior moliri solet. Non minus longè aliter comparatum est cum *labio leporino* qvàm cum *labrisulcio*, labium qvippe leporinum connatum est ab ipso utero vitium, & cum manifesto hiatu inter divisas penitus labii oras intercedente, absqve tamen ullo puris vel saniei effluxu.

IV.

Affinis eqvidem videtur esse *labrosulcio Parulis*, qvam descripsit *Aëtius Tetrabibl. II. Serm. 4. cap. 24. & 25.* qvòd sit *inflammatio partis alicujus gingivarum cum tumore, quæ, ubi non absolvitur, suppuratur.* Sed verò eadem si recte inspiciatur, tumor est vel excrementia in gingivis perruptis circa molares obvia, sine tumore externo labia obsidente, deinde adultos, quoque invadit scorbuticos, cum *labrosulcium* infantes potissimum incommodet; hinc

Excellentissimus Dominus D. Georg. Frid. Francus in Disputat. sua inaugurali de Epulide & Parulide cap. III. §. 7. ex observatione iatρυωνάτης Johann. Jacob. Wepferi rectè annotavit, nullum sexum, nullamq̃ve ætatem dentatam esse, cui non quandoq̃ve gingivæ nunc versus buccam, nunc versus lingvam aut palatum in utraq̃ve maxillâ tumore inflammatorio corripiantur, plerumq̃ve præcedente vel comitante odontalgia, quandoq̃ve simul horrende malas intumescere, idq̃ve ob circulum sanguinis ex arteriarum ramusculis in furculos venosos & lymphaticos impeditum, vel in gingivis, vel circa radices dentium, subinde in utroq̃ve loco simul.

V.

Sic etiam facile discernere licebit labrosulcium ab Epulide, Epulis quippe vocatur *excrementia carnis gingivarum luxuriantis*, ἀνεύβας docente Viro Pranobilissimo Excellentissimo atq̃ Experientissimo DN. JACOBO PANCRATIO BRUNONE, Philosoph. & Medicina Doctore, hujusq̃ in Lyceo Altdorfsino P. P. Celeberrimo, Domino Patrono ac Præceptore meo summe colendo in *Amaltkeo vel Lexico Medico* p. 673., atq̃ve talis ab inflammatione exsurgit ad intimum molarem, cum febre & dolore nonnunquam, teste *Paul. Aegineta de arte medica Lib. III. cap. 26. p. 154.*

VI.

Sed & absq̃ve difficultate medicus prudens Labrosulcium & stomacacen sive σωμακάκην ab invicem discernet, posterior quippe gingivarum laxo & fluido tumore, pruritu, cruentatione, foetore & putredine instar foricis se prodat, ut propterea perspicacissimus Hippocrates de *internis affectionibus* text. 34. n. 9. jam dudum scripserit: in Splenis morbo sive Icorbuto, καὶ τὰ ἐλα κακὸν ὄζει, καὶ ἀπὸ τῶν ὀδόντων ἀφίσταται, & gingiva malè olent, & à dentibus abscedunt.

VII.

Interea non sunt confundenda cum Labrofulcio *Aphthæ*, ulcuscula illa ut plurimum alba, quandoque à bile tingente admixtâ copiosiori subflava, quandoque ab acido bili admixto nigra vel livida, quandoque à sangvinolentis ex vasculis capillaribus erosis affusis portionibus rubra, plus minus profunda, & corrosiva, in superficie oris, labiorum, palati, buccarum, lingvæ & faucium conspicienda, cum insigniter molesto ardoris sensu conjuncta, à simili cum labrofulcio causâ enata, quemadmodum *Boottius* l. c. confirmat, ut plurimum ac fere semper hunc morbum comitari aphthas, i. e. ulcuscula oris in palato, lingua, buccis, labiis, gingivis; quam infinitus sit infantium numerus, qui aphthas patiuntur absq; eo ut in Cheilocacen incidant, sicuti rursus non rarò accidit, ut idoneis remediis adhibitis aphthæ aboleantur, Cheilocace superstite.

VIII.

Neq; cum labrofulcio confundi debet *Nodus labii*, Belgis een Lip Knoop dictus, qualis ictu, casu aut percussione, imò etiam ubi dentibus apprehendimus labium, in eo produci, & ex doctrinâ *Albucasis*, quæ habetur II. part. chirurg. part. 27. cultro primò excindi, hinc alumine usto conspergi à chirurgis solet, teste *Jobo à Meekren. Chirurgo Amstel. in Observ. Medico-Chirurg. cap. XXXI. p. m. 80.*

IX.

Tandem etiam discrimen observandum inter Labrofulcium & *Cancrum verum*, in hoc namq; tumoris notatur rotunditas, & inæqualitas, color ejus conspicitur lividus aut fuscus, adsunt circa tumorem assidui punctivi dolores, venæ in circuitu tumoris turgidæ ad adjacentes partes protensæ conspiciuntur, & si sit exulceratus, caro ero-

fa inæqualis & subnigra forde madescit & horrida appa-
 ret, ex qua continue subnigrum aut fulvum virus,
 h. e. tenuis & erodens humiditas emanat, quæ utpluri-
 mum gravi odore adstantium nares ferit, conferatur *Fran-*
cisc. Joël. Operum Medicor. Tom. VI. de Chirurgia p. m. 191.
 & 223. Adhæc Cancri tumor exulceratus magnitudinem
 ovi palumbi imo medii ovi gallinacei assequitur, sicuti te-
 statur *P. Marchetti Obs. XXIX. & XXX.* & ex eo refert *Theoph.*
Bonetus in Mercurio compitalitio sive Indice Medico-Pract. lib. III.
de affectibus à lit. C. incipientibus sub titulo Cancer §. 19. p. 72.
 quamvis diffitendum non sit, Cheilocacen ad Cancri vi-
 rulentiam propinquo sæpè accedere gradu, hinc eruditè
 admodum *Celeberrimus Joan. Nicol. Pechlinus, Sereniss. Cimbriae*
Ducis Consiliarius & Archiater in Observ. Medico-Physicarum,
Lib. I. Obs. 67. p. 176. ita scripsit: At nunc quoque ne in maculas
 tantum pustulasque & tubercula desinere morbum credas, vidimus
 etiam in Scirrum & Carcinoma transisse vehementiorem scorbu-
 tica salsædinis gradum. Non infrequens, (postea addit) ma-
 xime in puerulis, oris quoddam vultusque debonestamentum, Can-
 cer, in Belgio Waterkanker dictus; hic ipse à scorbutici Ois,
 sed lento seri sanguinisque glutine inviscati, acrimonia plane cau-
 sticâ in glandulis primum oris internis gingivalibusque originem
 sumit, mox in palatinas & maxillares, nunc etiam gula istas,
 tandem & universi vultus glandulosi corticem prorepens miseroque
 aliquot annorum spectaculo & tristi patientia agros tandem in-
 terficiens. Interim tamen rectè animadvertit *Cornel. Stal-*
part van der Wiel Observat. rariorum Medico-Anatomico-Chi-
rurgicarum Cent. posterioris Part. Prior. in Scholiis ad Observ. XIII.
 parvum labii tumorem coloris cœrulei & tactu mollem
 cancrum dici non posse, verum si color iste cœruleus sit
 magis plumbeus aterve, & tumor tactu durus, solidus,
 & renitens malignus evadat pro cancroso habendum,
 atque

& eo casu tempestivè forcipe auferendum esse ; atq; ibidem *Cheilocacen* expressè *Cancro vero* contradistingvit, quando scribit, in infantum labiis, aliam nonnunquam exulcerationum malignarum speciem provenire, quæ cavæ duræq; nec sine dolore nigricantes subitoq; proserpentes, à scorbutto plerumq; adeoq; malè constitutâ saliva oriantur, & popularibus suis *Waterkankers* appellantur.

X.

Ceterum propositum labrofulcium Medicus etiam facile dignoscet à *tumore* eorum *Phlegmonode*, quia ibi tumorem nequaquam fervidum, & inflammatorium adesse expressè in definitione monuimus, similiter tumorem labiorum *Oedematofum* & colore albo & mollitie discrimen suum à labrofulcio sensibus prodere externis, palam est. De reliquo labia ex *lue gallica* ulcerata, inflata, subnigra, tumida, plumbea, & *Carcinomatis* instar dura, qualia annotavit *P. Forestus* *Observ. Medicinal. Lib. XIV. de agnitionibus labiorum Obs. 2.* simul concurrentia alia luis venereæ symptomata monstrabunt.

XI.

Sed satis de hisce, dum nunc concludo, si quæeratur ad quamnam *morbi speciem* pertineat Labrofulcium? respondendo, idem *morbum auctæ magnitudinis & solutæ unitatis complicatum* esse.

CAP. III.

Subiectum Labrosulcii demonstrans.

TH. I.

CUM omnis morbus expostulet *subiectum*, cui inhæreat, & in qvo sustentetur, proximum nunc erit, ut ego etiam inquiram in *Labrosulcii subiectum*, quod quidem juxta Philosophorum placitum statuere licebit *duplex*, nempe vel *ut quod*, ultimum seu mediatum, scil. ipsum compositum totum *corpus vivens*, sive homo ex corpore *extenso organico & anima rationali* constans, vel *ut qvo primum* sive immediatum, nempe *labia*, hæc quippe *tumor* obsidet, & *sulcus p.n.* dividit, adeoq; *morbis aucta magnitudinis & soluta unitatis* proximè afficit.

II.

Sunt autem *labia*, quæ & *χείλαι* ἀπὸ τῆς χείρ λόγον, quòd vocem fundant, appellantur, annotante *Adr. Spigelio de human. corpor. fabrica lib. I. cap. 1. cap. 6*, opercula oris, dentium deformitatem tegentia, numero duo, *superius ἀνώχειλον*, *inferius κατώχειλον*, quorum *extremitates rubæ* *πρόχειλον*, sin committantur invicem *πρὸς ὅμιον* dicuntur; ipsum autem *foramen*, quod apertura sua producunt, τὸ σῶμα os cognominatur.

III.

Incessit verò malum nostrum quandoq; *utrumq; labium*, ut plurimum tamen *superius* duntaxat eo afficitur, & quando *ambo* simul hæc labes obsidet, longè tamen deterior semper est superioris, quam inferioris labii conditio; interdum ea ipsa latius se diffundit, & *partes alias glandulosas* oris interioris ambitu circumscriptas substantiæ affinitate junctas, communis causaprehendit.

IV. Nec

IV.

Nec mirum, cum *q*ualis *contextus* labiorum *glandulosus conglomeratus* sub membranulæ tenuioris amiculo absconditus est, talis in universâ buccarum, palati, fauciumque regione reperitur, gingivarum verò ac linguæ spongiosa laxaque caro, glandulis etiam interdistincta minimis, propter contiguitatem & inundationem, quam à causa morbifica communem veluti succipit, non possit non similiter vitium capere.

V.

Labiorum oris autem constitutionem si distincte examinare velimus, videbimus illa foris quidam tenella *cute*, intrinsecus vero *membrana* ori reliquo œsophago ventriculo continuâ integri, sub illa *glandularum* aliquarum minimarum *cōglomeratarum* contextum adesse, (*q*uales etiam Lugduni visæ sunt ab Olao Borrichio in labiis humidioribus icterici & febricitantis à Sylvio in Nosocomio dissecti, sicuti ipse perscripsit ad Th. Bartholinum *Epist. Medicar. Cent. III. Ep. 97. p. 420.*) reliquam eamque præcipuam substantiæ partem constituere *carnem* à Th. Bartholin. *Anat. Lib. III. Cap. XI.* indigestam & fungosam dictam, à *musculo labiorum communi circulari* seu *in orbem circumcirca expanso* ac reliquis *musculorum* huc usq; exporrectorum *fibris motricibus* efformatam, porrò notare licet *arterias*, à partibus propinquis ad labiorum extimam membranam distributas, sanguinem cum individuo comite fero pro vitâ & nutritione necessarium adducere, purpureumque illum colorem & splendorem, pulchritudinis & sanitatis optimum indicem, labiis conciliare, *venulas* focias eundem munere suo defunctum revehere, & à morbosa stagnatione sive extravasione vindicare, demum sensus motusque beneficium largiri *nervulos*, qui à *quinti paris* ramus minoris inferioris ramulo primo in quatuor pro-

pagines diviso, plurimis fibrillis labro superiori accedunt, nec minus ab ejusdem paris rami majoris ac posterioris secundâ ac mediâ propagine in plures fibrillas diremptâ labio inferiori prospiciunt, sicuti accuratissime investigavit & descripsit clarissimus *Raym. Vieussens in Neurographia universalî lib. III. c. III.*

VI.

De reliquo, sicuti labiorum usus naturalis multiplex est, ut os claudant, & dentes partesqve interiores à frigore ac externis injuriis tueantur, ad edendi & bibendi commoditatem faciant, ad vocis & loquelæ expressionem, atqve sputi rejectionem symbolum suum conferant, deniqve ornatum vultus, animi & corporis speculi, absolvant, ita labrofulcium multiplicem illum usum lædere, ratio declarat & experientia confirmat.

CAP. IV.

Causarum Scrutinium tradens.

TH. I.

CUM juxta Medicinæ Principem *Hippocratem de arte* t. XIX. n. 20. & 21. ejusdem scientia sit, morborum causas nosse, & morbos ipsos omnibus medicamentis, quæ augescere morbum prohibent, curare posse, adeoqve juxta eundem de morb. mulier. I. t. XXII. n. XI. morborum vires considerare oporteat, & causas ex quibus morbi fiunt exquirere; aurei illius moniti memor ego quoque vivam, posthabitâ vanâ *Acri Agrigentini* Empiricorum principis opinione, qvi causas morborum incognoscibiles esse reputabat, referente *Galeno lib. de subfigmentis empiricorum inscripto cap. I.*

II.

Jam verò supersedebo ego causis tumoris labiorum in genere considerati communibus recensendis, quas statuunt

tuunt esse serofos humores ibidem p. n. collectos ac stagnantes, & ab acido coagulatos partes has distendentes; multo minus cum *Paracelfo* singularem in labiis tumorem *alcola* ipsi dictum; carnis videlicet quandam superfluitatem ex venis *Jovialibus* per *Martis* regionem transeuntibus accersam; neque cum *Sylvio* augmentum substantiæ carneæ, vel humorum extra locum naturalem & intra substantiam labiorum effusionem tanquam causam genericam allegabo; nec etiam cum *Cartesii* affectis tumorem labiorum, vel intra uterum jamdum evenientem à fibris musculosis adhuc tenerioribus à copiosiori succo chyloso nutriente diductis, & spiritibus obrutis, ut illum ad alias partes commode nequeant remittere, vel extra uteri ergastulum demum notabilem talem labiorum tumorem à particulis spissioribus cum succo nutricao chyloso ad labia delaris, ob viscositatem suam retentis, fibrisque & glandulis cutaneis tenacius tunc adhærescentibus, repetam, quemadmodum tales hypotheses recensuit *Joh. Dolæus* *Encyclop. Chirurgic. rationalis lib. I. cap. XIX. p. 449. & sequentibus.*

III.

Quin potius, observato consueto causarum ordine, causam proximam & immediatam Labrosulcii, in definitione supra jamdum expressam, primum pono lympham viscidam acido-salinam in glandulis & substantiâ carnosa labiorum affectorum extravasatam, coagulata, atque per moram ulteriorem acrimoniam virulentam, planeque causticam natam: Nempe enim lymphæ, quæ naturaliter vel prorsus amica, vel exacte temperata esse debet, dum particulæ ejusdem salinæ sub aqueis & gelatinoso-oleosis, seu balsamicis atque terreis involutæ obveniunt, hinc p. n. ob particulas salinas in fluorem evehctas, & depressis gelatinoso-oleosis seu balsa-

balsamicis emergentes, atq; spiculis suis rigidioribus caput veluti extollentes, acrimoniam induit acido-salinam, quæ successu temporis invalescit, & instar aquarum stygiarum caustica evadit, eadem porro lymphæ, quæ in statu secundum naturam fluida tenuisq; esse solet, in præsentē affectu notatur esse tenax, viscida, glutinosa, à particulis admixtis chylosis similibus viscidis & acidi connubio talis reddita, ideò *pituita vitrea* quodammodo comparanda, sicuti *Fr. de le Boë Sylvius Prax. Med. lib. I. cap. XIV. §. 22.* pituitam viscidam acido junctam vitream componere haud obscure innuit, atq; aliàs spiritus acidi operationem in frigore producendo multum à pituita promoveri, *§. præced. 19.* ipsam docere experientiam Doctorum æque ac imperitorum omnium magistram scripsit.

IV.

Causa antecedens sive mediata propinqua est lymphæ præternaturaliter acido-salina viscida ex primis viis ad vasa chyli-fera hincq; ad sangvineæ & nervosa vasa, & per hæc ad labia tanquam partes in nostro affectu subjectas tendens, tum originaliter ipse liquor gastricus sive fermentum stomachale acidum nimis fixum, id enim ita docente B. Ettmüllero in Medic. Theor. & praxi generali instructo h. e. fundamentis Medicinæ veris Patholog. cap. II. §. 26. p. 17. non rite alimenta digerit, unde in liqvamen vel pastam plus minus viscidam crassam & tenacem, sæpe ex debitæ volatilisationis defectu, acidam abeunt, hincq; non tantummodo cum- latur præternaturaliter crusta intestinorum & stomachi pituitosa, sed etiam id, quod sangvini infunditur, ine- ptum est, ut ipsi assimiletur aut partes solidas nutriat, quapropter obruuntur quasi principia massæ sangvineæ activa, hæc q; crassescit, spissescit, & imminutè fermenta- tur tardeq; circulatur, quin & viscidior iste chylus, dum
in

in poris partium circa vasa capillaria subsistit, viscera instar spongiarum imprægnat, & proprio acido coagulatus in scirrhus abit, quæ mala eò sunt pejora, quò acidior simul massa ista chylosa existit: Porro in causæ hîc propositæ classe etiam recenseri apprime meretur *scorbuti* à fluidorum catholicorum *acore* enata *species*, sicuti *Exc. Pechlinus l.c.* id testatur, & ulcera telephia ceteroquin inde evenientia comprobant; Non minus *malum hypochondriacum*, *lues venerea*, (quam in utero vel extra ipsum à nutrimento materno infecto infantes quandoq; contrahunt) & hujus indolis *morbi* ab *acido* geniti hîc commemorari debent, ad cujus asserti confirmationem facit *Joh. Muys Prax. Chirurg. rational. Decad. II. Observatio X. p. 122.*, ubi is refert, in puerulo bienni, qui jam per tres integros menses quartanâ laboraverat, se inter ejusdem labium superius & gingivam invenisse ulcus, quod ante quatrimum initium suum ceperat, satis alte sursum vergens, cavum, durum, dolens, nigricans & graveolens. Neq; silentio involvenda *glandula* tum *secretrices* tum *reductrices*, tales quippe ubi humores à succi nutriticii distributione restibiles, quibus aliorum ablegandis inserviunt, præ meatuum suorum obstructione diutius detinuerunt, eos sensim acescere cogunt, in permagnum œconomiae naturalis detrimentum, uti bene monuit *Gualterus Charleton. in Lib. singul. de Scorbuto Cap. VII. Art. XVI. p. 121.* Interim ne quis dubitet, ejusmodi acidum acre in corpore vivente dari posse, ex eodem *Charletono, l.c. Artic. III.* liceat *αἷς ἐν παρόδῳ* memorare visa exempla eorum, qui lotii sui aspergine ita corroserant linteamina, non aliter quam si *Æus* *Θλι* iis inspersus fuisset, itemq; aliorum, qui sudarium corrupe- rant hæmorrhagia pariter corrosiva, porro exinde etiam allegare juvabit historiam Viri cujusdam Equestri digni-
C tate

tate ornati in agro Glocestrensi, qui prodigioso quodam convulsionum genere per longam annorum seriem excruciatum nonnunquam sudorem profuderat adeo corrosivum, ut instar aquæ chrysulcæ linthea exederet, conferatur *Willis. de Morbis convuls. cap. IX. p. 511.* Tandem ad causæ mediatae censum etiam sano sensu referri poterit *ætas infantilis*, utpote cui Labrofulcium præcipuè infensum esse supra indicavimus, quatenus ob lactis continuum usum, & *ἀδδνφαςίας* sive voracitatem ad satietatem & lubitum admissam, *acidi visciditq; exsuperantia* in eâ facilius quàm alibi emergit, & labia ob substantiæ teneritatem partim promptius lympham peccantem imbibunt, partim ab hâc facilius se erodi & exulcerari patiuntur.

V.

Restant nunc enumerandæ *causa procatarctica* in rebus *nonnaturalibus* inqvirendæ. Illas autem inter 1. occurrit *Ær* particulis acribus, acidis vel acido-salinis, inquinatus, præsertim maritimus, nam quemadmodum *Vir Pranobilissimus, Amplissimus, Excellentissimus atq; Experientissimus* DN. D. MAURICIUS HOFFMANNVS Senior, *Facultatis Medicæ Professor Primarius Celeberrimus, & h.t. Decanus Spectatissimus, Potentiss. Electoris ac Sereniss. Marchion. Brandenburgicor. & Duc. Wirtemberg. Consiliarius & Archiater meritissimus, Dn. Patronus & Promotor meus ad tumbam usq; venerandus, in Sciagraphiâ Morborum Contagiosorum Disput. I. Thes. 5. 6. 7. & 8.* atomos aut particulas exiles quaquaversum avolantes aëri permixtas seminaria sæpe insensibilia morborum homogeneorum constituere, receptasq; à corporibus dispositis aut admissas effectum sibi similem producere, non quidem semper simul atq; tangunt, sed postquam tetigerunt, accuratissimè docuit, ita probabile etiam est, *aërem, effluviis marinis acido-salinis inquinatum, quatenus in-*
spira-

spiratur, salivæ liqvori gastrico & consequenter universæ massæ sangvineæ acrimoniæ similis labem affricare, & quatenus *corpora ambit* spiculis suis acribus tenellam labiorum cutem lancinare, perfodere vel ad minimum Labrofulcium jamdum genitum magis exasperare ac exacerbare, quod ipsum videtur non solum *Boetius* sæpius citatus confirmare, quando in Angliâ & Hibernia labrofulcium interdum Epidemiæ luis instar in qvamplurimos populariter grassari annotavit, sed & *Excell. Pechlinus Observ. alleg. p. 169.* ad aëris fluidum marinis vaporibus iisq; falsuginosis respexit, atq; cùm antehac perlustrasset tractum Italiæ maritimum, qvi mari Hadriatico adjacet, ab aërei fluidi marisq; falsa atmosphæra plurima ibi nata incommoda sibi visa recordatus est, meminitq; nullam ferè fuisse urbem, qvæ non propterea peculiari affectu falso catarrhali fuerit infestata, hîc in pedum ulcera morbumq; coxendicum, hîc in Pleuritides & Pthises, alibi Ophthalmias, Epilepsias, aliaq; morborum monstra, desinente fluore falso lymphatico.

VI.

Post aërem morbificam tragœdiam præcipue ludunt *assumta*, scil. *chylus maternus* & *lac*, sive jam ab ipsa matre & nutrice acrimoniâ acido-salina visciditati involutâ fuerint corrupta, sive ob digestionis defectum, uberiolemq; copiam, in ventriculis infantium in liqvamen acido-viscosum degeneraverint, sive à liqvore gastrico ibidem acorem vitiosum demum mutuata sint: dein *cibi* acidi vel acido conditi, muriatici, fumo indurati, viscidi, glutinosi, pisces marini, nec minus *saccharata* & *mellita* edulia, quæ, utut palato abblandiantur sua dulcedine, in recessu tamen habent notabile acidum, quod per destillationem ex retorta, vel per fermentationem manifestum

fit. Similiter nocent *potulenta acida & austera*, quò pertinent in Germaniâ Rhenana, Neccarina, Bacharacensia, Mosellana, Rhincovica, in Gallia Pictonica, Lutetiana, Aurelianensia & similia vinorum genera, acidum multum in recessu gerentia.

VII.

Adhæc peccantis acidî viscidîq; uberiores proveniunt: *immodica quies corporis*, quatenus humores ad stagnationem disponit, & viceversa *motus vehementior continuatus*, quatenus spiritus exhaurit; *vigiliae perseverantes* quatenus spiritus animales consumunt, ac per consequens quorumvis humorum acrimoniam intendunt, teste Sylvio *Prax. Medic. Lib. I. cap. XI. §. 20*; *meticulositas & terror*, quatenus principia activa in humoribus & spiritibus deprimunt, tandem *alvi adstrictio* pituitam intestinale relinquens magis glutinosam & acidam.

CAP. V.

Signa exhibens.

TH. I.

QVod Hippocrates aureis veluti literis menti nostræ inscriptum esse voluit, in lib. de Medico text. XII. n. 5. *Μόνος ὁ τὸ σπουδαίον ἐμπειρὸς εἰσέρων Πιπχερὲς*, solus is, qui signorum cognitionem habet, ritè curationem seu operationem aggredditur; idem & mihi dictum esse reputans, signa curationi præmittam, ne similis videar incauto illi hominum generi, ludibrio artis nato, quod neglectis signis

*Uberis ac fluvii cancrum distinguere nescit,
Cardiacum morbum residere in poplite credit.*

II. Qvum

Quum autem non solum *signa* in morbi noticiam nos deducant, sed & illorum beneficio de morbi eventu prædicere possimus, hincq; signorum alia *diagnostica*, alia verò *prognostica* sint & appellentur, ceu optimè docuit *Illustr. Herm. Conringius, in introductione in universam artem Medicam cap. VI. p. 214. diagnostica primum rimari ordo jubet.*

III.

Hæc ipsa autem, quia in *definitione* supra cap. II. th. II. allatâ jamdum expressa, breviter hîc repetenda & declaranda erunt. Nimirum inter eadem labrosulcii *diagnosis* præbentia obvenit primò *tumor*, à glandulis & substantia carnosâ labia componentibus, propter lympham inibi extravasatam & coagulata intumefactis, extensis sicq;ve durioribus redditis, emergens, neq;ve est, ut quis dubiter tumorem talem in glandulis labiorum utpote naturaliter tam exiguis, ut ferme sensum fugiant, hære re posse, sed ego tali dubitanti cum *Cl. Muys prax. Chirurg. rationalis Decad. II. Obs. IX. p. 120. & seq. acclamo, num putas impossibile glandulam exiguam ad tantam magnitudinem pervenire posse? perpende quæso, quantum unius & ejusdem uteri magnitudo differat in virgine & parturiente, perlege disputationem quam Clariss. Dn. Joh. Munnicks Prof. ss. Ultrajectinus An. 1678. d. 20. Novembr. publice ventilandam proposuit, in quâ narrat virginis alicujus tubam uterinam tam late extensam fuisse, ut centum & duodecim aquæ libras contineret: Ita omnino comparatum est cum partibus minimis, ut ab infarctu humorum in reciproco suo comœatu interceptorum in longe majorem molem extendi possint, idq;ve præsertim in glandulis locum habet, quarum substantia laxa spongiosa, vasculosa, fibrosa, & muscosa deprehenditur,*

unde modo allegatus *Mays* aliud adduxit experimentum, quod ad rem propositam propius accedit, scilicet, se, ubi à frigore suprà modum læsus erat, non rarò glandulas circa collum, quas in statu sanitatis tactu reperire non poterat, in tantam molem excrescere advertisse, ut ovum columbinum superarent.

IV.

Tumor autem porrò in labrisulcio notatur nonnihil tantum *rubicundus*, sed nequaquam *fervidus* & *inflammatorius*, quia ibidem haud subsistit & transparet sanguis ☿eo-Θnus biliosus fervidus, sed lymphæ acido-Θna moleculis chyloso-pituitofo viscidis involuta in motu suo impedita stagnat; idem tumor dein ut plurimum occupat solum *labium superius*, cujus deterior etiam, si ambo simul hæc labes obsidet, semper est conditio, an quia labii superioris crebrior est motus affluxum lymphæ peccantis alliciens? an quia canaliculi lymphatici sub cute genarum à *Niickio* in *Epistola Anatomica de Inventis novis* p. 141. annotati, rectà pone aures in glandulas muscosas lympham suam non, uti quidem debebant, evomunt, ut inde in lymphatica jugularia, & sic porro in subclaviam unam & alteram reducatur.

V.

Adhæc dictus modo tumor magis *introrsum* quàm ad exteriorem partem vergit, quia diverticula lymphæ subsistens ibi facilius, quò recedat & commoretur, invenit, ob interiorem labiorum & gingivarum substantiam laxiorem molliorem glandulosam, quàm in exteriori fibroso cutis labia investientis contextu: Interim *labia* à gingivis & dentibus *longius abscedunt*, quia tumor glandularum medio interpositus loco illa ab hisce necessariò magis se-
jungit; non minus *labra* ipsa magnâ cum deformitate fo-

ras replicantur , quia cutis superinductæ fibrosa retiformis textura ulteriori extensioni reluctatur , adeoque suprà ejusdem oras necessario glandulæ tumidiore & ulterius expansæ protuberant.

VI.

Tandem deformitatem morbosam conspectiorem etiamnum reddunt *foveolæ binæ* , in labio utrinque dextrorsum & sinistrorsum notabiles , quæ ipsum labii corpus *angusto* quidem sed *profundo sulco* dividunt , quoniam tenuior ibidem labiorum substantia solutionem continui facilius admittit , & lymphæ acris peccans ex limbo labii superioris illuc sponte magis defluit , ex inferiori autem labio factâ pressione ad latera recedit , hæcque ipsa dum subtus cuniculos agit , & acrimoniam suam corrosivam exserit , profundum *sulcum* ulterius efficit , qui vel *sanie madet* , lymphâ existente ichorosa tenuiori , vel *crasso pure oblitus est* , portionibus crassis chyloso-purulentis pluribus illi admixtis ; interdum *crustulæ* succrescunt , ab aëre ambiente calidiori vel sicciori ichoris vel puris superficiem incrassante seu condensante genitæ ; demum quandoque *malum* ad partes vicinas glandulosas latius sese diffundit , quando uberior causæ peccantis copia labiorum limitibus sese coerceri renuit. Labrofulcii individui quoque comites sæpius sunt *Aphthæ* , ulcuscula nempe illa in superficie labiorum palati & buccarum &c. obvia , de quibus jamdum supra th. VII. cap. II. verba feci , quatenus lymphæ peccans alias etiam oris partes corripit glandulosas , & erosionem illarum molitur.

VII.

Sed satis de signis *Diagnosticis* labrofulcii , quod *Prognostica* nunc attinet , sciendum , *malum* hoc nonnullis sponte aut levibus remediis *sanescere* (ubi causæ morbi-
ficæ

ficæ minor adest exuperantia, & acrimonia magis refracta, eidemque mature remediis idoneis obviam itur) ast plerumque si diutius negligatur, (nec principio occurratur, aut remediis incongruis vel ineptis perperam curatio instituatur,) illud *contumacissimum* evadere, (ita ut postea difficillime tollatur, & multo opere ægre sanatum, aut sanitati proximum ægre rebellet) in nonnullis verò idem penitus *immedicabile* reddi, & serpente contagio miseros infantes lentâ tabe conficere, & tandem letho mittere, si intra aut extra uterum dyscrasia insignis scorbutica acris infantibus à matribus & respectivè nutricibus sit communicata, vel aëris ambientis noxia diathesis affectum morbosum exacerbet, quod tunc præcipue teste *Bootio* usu venire solet, quando epidemicè hæc labes sævit.

CAP. VI.

Curationem complectens.

TH. I.

Medicum ager desiderat curantem non eloquentem, & recte *Galenus*, alter post *Hippocratem* Medicinæ princeps, lib. V. de locis affectis cap. VII. scripsit: Se malè imprecari iis, qui medica speculationis vel principes se esse jactitant, nullius verò agri volunt aggredi curationem, cum plerique non rationatione, sed auxilio indigent.

II.

Proin nunc mearum quoque erit partium, ut *Curationem* etiam in medium proferam: Illa ipsa vero sequentibus innititur *Indicationibus*: (1) *Ut lymphæ acido-Θnæ viscidæ ulterior affluxus ad glandulas & substantiam carnosam labiorum affectorum prohibeatur*, (2) *ejusdem lymphæ in partibus affectis præ-*

presens & peccans acrimonia atq; visciditas demulceatur;
 (3) *Foveolæ binæ cum sulco sanie madido aut pure crasso obfuso in*
labiis conspicuæ mundificentur, detergantur, ac consolidentur.

III.

Indicationi primæ inserviunt Evacuantia & Alterantia:
 Inter *Evacuantia* ad peragendam feliciter curationem
Boottius commendat *purgantia* non semel nec iterum, sed
 repetitis vicibus, (ita ut idoneum temporis spatium sem-
 per interponatur) exhibenda, & quidem pro captu cor-
 porum & ætatis satis valida, præcipue ex *Senna & Mercu-*
rio dulci, duobus hisce ceteris in proposito malo præstan-
 tibus, paranda; Quod si cum infante tractabili res sit, ac
 immuni ab illâ plerorumq;ve pervicacia, qui omnia ferè
 oblata respuunt, aut non nisi difficillimè admittunt, ma-
 gnopere conducere allegatus *Autor* testatur, purgare de-
 coctis paratis ex *fumaria, betonica, philliti, radicibus lapathi,*
cichorii, polypodii, senna, agarico, coriandro, tamarindis, cu-
 jusmodi decocti bini ternive haustus die dandi, tertio aut
 quarto quoque die, per sat longum temporis spatium.

IV.

Sed enim verò cum in proposito affectu duo occur-
 rant *impedimenta*, à quibus molestior fieret purgatio, *acri-*
monia scil. & *visciditas materiae evacuanda*, uti alias eruditè
 differuit *Beatus Etmüllerus* in *Medic. theor. & prax. generali*
instructo part. Patholog. cap. V. §. 36. p. 148., illa ante omnia
 remove oportebit, usu *preparantium* acrimoniam aci-
 dam temperantium, ac ad blandam falsedinem redigen-
 tium, nec minùs visciditatem solventium & attenuan-
 tium, vel purgantium usui præmittendorum, vel cum
 eodem conjungendorum. Eapropter aliquot ante pur-
 gationem suscipiendam diebus infanti labrofulcio cor-

D

repto

repto exhibeatur *pulvis digestivus ex ocul.* ☿. *preparat.* ☿
diaphor. rad. ari prepar. ☿ *cinnab. nativa*; vel ad imitationem
adducti *Ettmülleri in valetudinario infantili cap. III. §. 9.* Si-
rupus de *spinâ cervina*, *Sirup. ros. solutiv. de ambubeja*, *Sirup.*
de cichor. cum rhabarbar. cum aqua fœniculi dilutis, ad pur-
gandum corpus exhibendis, admisceantur *ocul. ☿.* ☿us
☿ *❧ci anisatus*; vel pulveri *radicis jalappæ* ceu congrui hîc
purgantis tempore usus addatur *pulvis C. C. philosoph. præ-*
parat. Robustioribus & paulo ætate provectioribus *rha-*
barbarum sirupo alicui *cathartico* intermixtum, *pilulam u-*
nam & alteram aloëticam ad imitationem *Ludovici in phar-*
mac. modernor. seculo applicandâ confectam, *Mercurium dul-*
cem ritè paratum cum *Extr. Scorzonerae* vel *Trochiscum*
unum alterumve *hermeticum Cl. Scretæ in Tr. de febre ca-*
strensi malignâ p. 222. descriptum, pro ætatis discrimine,
dare licebit.

V.

Post purgationem inter *evacuantia* huc apprimè fa-
ciunt *diaphoretica*, quare infantibus pro potu præscriba-
tur *decoctum C. C. C. rasp. rad. sarsaparill. scorzonæ. chinæ, ras-*
ligni sassafras, cum aqua simplici paratum, assumtis ad de-
coctionem in gratiam saporis *liquiritiâ rasâ, sem. fœniculi,*
passulis majoribus exacinatis, vel minoribus mundatis.

VI.

Quòd si grandior sit infans, *Bootius sanguinem* è brachiis
vel hirudinis suctu vel scalpello etiam *apertâ verâ* de-
trahendum esse svadet, sed præsidium hoc rarius ego
necessarium crediderim, persuasus à *Gualtero Harris de*
morbis acutis infantum p. 74. infantes victu tenuiori & mi-
nimè lauto nutriri solitos *verâ plethorâ* (utcunq; fuerint
floridi) laborare haud habendos: humiditatem iis inesse,
quâ diffuere omnes solent, atq; ejusdem humidi in aci-
dum

dum præter naturalem ac facilem conversionem, esse omnium illis ægritudinum causam, neque credibile, sanguinem corpore eductum posse humidum temperamentum, idque præsertim in acidum jam degener, propriè corrigere.

VII.

Ita nec mihi arridet ejusdem *Bootii* consilium, quando utilissimum esse vult, *hirudine* faciei admove, iisque sanguinem tum ex fronte & temporibus, tum ex labiis ipsis affatim deplere, idque bis aut ter facere: tenelli quippe infantes ejusmodi suctionem dolorificam futuram haud perferent, sed & præcipue factâ continui solutione facile à lymphæ acris affluxu vulnuscule inflicta minima cum faciei dehonestamento in ulcuscula sanie madentia aut pure crasso obducta degenerabunt, ne dicam de terrore, quem infantes inde procul dubio concipient.

VIII.

Fonticulos in alterutro, aut exigente necessitate in utroque, brachio, vel per simplicem in consuetis musculorum interstitiis cutis sectionem, vel per impositum ibi cauterium potentiale, excitandos ego mallet, lymphæ vitiosæ quantitatem sufficienter imminuentes, & futurum ad labia affluxum avertentes; cui scopo quoque subserviunt *vesicatoria* nuchæ aut brachiis admota, vesiculis inde excitatis ope impositi *Empl. de meliloto* quartâ parte *Emplastrî vesicatorii* remixti aliquamdiu apertis servandis.

IX.

Olim *harenarum* vel *arenarum* magnus & frequens erat usus ad morbos à serosâ quadam colluvie oriundos, calore quippe ac siccitate sua humores serosos intercutaneos attenuasse, discussisse, vel per insensibilem transpirationem eduxisse observatæ sunt. Et hujusmodi re-

medii plurima fit mentio apud autores Medicos. Græcè quidem vocatur *ψαμμιτισμός* & *ψαμμιτισμός*, latinè *Harenatio* & à *Baccio Saburratio*; commendaturq; ab *Aetio Tetrab. I. serm. III. cap. IX.* ab *Aegineta lib. III. cap. XLVIII.* à *Baccio de Thermis lib. II. cap. XVII.* à *Plinio Natural. Histor. Lib. XXXI. cap. VI.*; variis autem adhibebatur modis, vel enim corpus arenis involvebatur calidis, ut ex *Q. Seren. Samonico* patet *de Hydropisi depellenda p. 17. ex editione Rob. Keuchenii.*

Nec non & tepidis convolvere corpus harenis.

vel patientes deambulabant & volutabantur in eadem, conf. *Isac. Causabonus in Comment. ad Sveton. August.* & ex eo *Joh. Schildius in Comment. ad l. c. p. 278.* nam & hic coxendice ac femore laborans harenarum & arundinum cura confirmabatur. Verum quia *ψαμμιτισμός* five arenatio nostro seculo est inusitata monente *Rolfincio in Epitome Methodi cognoscendi & curandi particulares corporis affectus lib. III. cap. IX. p. 236.* eandem missam facio, tametsi sudatio in laconico sicco, si hoc subire infantis conditio permetteret, arenationi substitui posset.

X.

Haftenus locutus sum de *Evacuantibus primæ Indicationi* subordinatis, nunc ad *Alterantia* progredior, quæ ipsa *secunda* simul subserviunt *Indicationi*, & talia, quæ acrimoniam acido-salinam debellant, existunt *terreo-alkalina* aliàs dicta, e. g. *C. C. philosoph. præparatum & ustum*, *tiū diaphoreticum*, *terra sigillata varia*, tum *ostradocerma* & *testacea* quævis præparata, nec non *fixiora metallica* *Alia* ac *tnina*, communiter *præcipitantia*, sed rectius *acidum invertentia* & *absorbentia* dicta; dein huc quoque conferunt *oleosa acidum involventia*, e. g. *Emulsionēs ex hordeo*, *amygdaliū dulcibus*, *seminibus 4. frigidis majoribus sem. papav. alb. cum decocto*
C. C. C.

C. C. C. *rassati* paratæ, item *juscula pingvia* ad *gelatina* consistentiam cocta, ipsæ *gelatina* ex ebore, C. C. C. *rassato*, *pedibus suillus* &c. elicita, demum *aquea*, acidum diluendo temperantia, e. g. *decoctum hordei*, *passul. minor.* C. C. C. *rassati* jamdum propositum, *rad. Scorzonera*, *Sarsaparilla* &c. qvale pro potu aut solum concedendum, aut vino aut cerevisiæ in sufficiente quantitate affundendum: Interea ut visciditas simul peccans corrigatur, opem præcipue ferunt *alcalia volatilia. urinosa, simplicia* & *composita* & *sa*, e. g. Ω -us & Θ volatile C. C. Ω Θ *ci simplex & anisatus, vel *succinatus*, Θ volatile & *sum Sylvii*, Ω -us bezoard. Bussi ab Exc. D. D. Königio communicatus *Miscell. Nat. Cur. Decur. Ill. Ann. I. Obs. 149. p. 244.* quæ in dosi minori paucarum guttarum ætati respondente cum *jusculis* & *vehiculis* idoneis infantibus propinanda sunt.

XI.

Atque cum his studiosè usurpanda sunt *appropriata antiscorbutica*, feligenda ex Charleton. supra citat. de *Scorbuto* cap. XIII. Sic Prænobilissimus, Excellentissimus atq; Experientissimus Dn. JOHANNES MAURICIUS HOFFMANNUS, Phil. & Med. D. Seren. Marchion. Brand. Onold. Consiliarius & Archiater, Prof. Publ. Altdorff. Celeber. Dn. Patronus Præceptor atq; Hospes meus æternum colendus, unius anni puero cujusdam mulieris pauperis exulis Labrofulcio scorbutico adeò defædato, ut præter foveolas binas in utriusq; labii concursu dextrorsum & sinistrorsum notabiles, cum sulcis pure viscido repletis, universa labra tumidiora & carne erosa luxuriante horrendum in modum protuberantia apparuerint, felici cum successu dedit *Essentiam antiscorbuticam ex turionibus abietis* ad imitationem *Mollenbroccii* in *Tr. de Varis c. XIII. n. XXI. p. 117.* paratam, cui postea *Tincturam suam traumaticam, balsamicam* demumq; *balsamum* Σ is anisat. ad aliquot gut-

tas subjunxit: Hinc in usum quoque vocare licebit *Tincturam* \pm *nii* \mp *fatam*, *Elix. proprietat. dulce antiscorbuticum*, *Tincturam salutis Langii sive essentiam myrrhae*, *essentiam balsami peruviani cum* $\Omega u \ominus$ **ci vinoso paratam*, & alia balsamica sua virtute & acrimoniae noxia contraria, & consolidationi labrofulcii profutura.

XII.

Ubi insuper notandum, si infans, labrofulcio laborans, adhuc lacte matris vel nutricis alatur, & cum primis si culpa in tali lacte originaliter hæreat, matri vel nutrici similibus scopis destinata propinanda esse medicamenta ac hucusque commendavi.

XIII.

Interim si *dolor* infantem insignis simul divexet, aut *vigilia* affectum alioquin satis molestum exacerbent, *opiata* etiam in justo præbio assumere licebit, hæcce quippe acrimoniam omnem simul temperant, ex fide *Sylvii Prax. Med. lib. I. cap. XV. §. 37.*

XIV.

Indicationi III. diversis pro diverso morbi tempore & statu succurrendum erit remediis: Nam pro *deterfione* & *mundificatione*, juxta experientiam *Bootii* conveniet præcellens decoctum *chærephylli*, quinque folii, *myrrhidis*, *rosarum* ac *salviae*, in quo \ominus \oplus *li albi*, seu quod idem est *Alum album* iteratis solutionibus filtrationibus ac coagulationibus summopere depuratum, sat magna copiâ dissolutum sit, sive eo cheilocace abluatur, sive lintea intincta imponantur. *Excellentissimus D. D. Hoffmannus Junior* supra nominatus, in fidelissimâ sua informatione privatissima, quâ hucusque usus sum, mihi communicavit sequens decoctum quod infanti (cujus ante mentionem feci) apprimere

prime profuit tepidè cum penicillo intincto illitum:

Rx. Fol. plantag.

Salviæ

veronicæ

flor. aquileg. an. Mj.

Rosar. lign. sanct. ℥ss.

Coq. in ▽ fabror. ferrariorum ℔iij. ad remanent. ℔j.

Colaturæ adde syrup. de scabiosa ℥j.

de rosis siccis ℥ij.

Tincturæ salutis Langii sive myrrhæ ℥iij. M.

Vel ad exemplum Joh. Muys, Prax. Chirurg. rationalis
Detur. II. Obs. ultima sub finem, præscribatur sequens un-
guentum acido corrosivo resistens.

Rx. Tberiacæ. ℥iij.

Unguent. ægypt. ℥iij.

G. lacce pulv.

℞ ⊖ *ci an. ℥ij.

M. F. Unguentum, quo cum pauculo Spiritus vini mixto
calidè quotidie sexies lavetur pars affecta, eiqve impo-
nantur lintea eodem medicamento imbuta. Venerandus
Dominus Parens meus CAROLUS RAYGER, Phil. & Medic.
Doctor, diversorum Regni Hungaria Statuum Archiater, in Li-
beri Baronis cujusdam filioli unici quinque annos nati
cheilocace optimam expertus est mane & vesperi factam
inunctionem cum spiritu vini camphorato, superimposito
dein melle rosato cum pulvere terræ sigillata & aluminis usti
intermixto; Stalpartus van der Wiel, l. c. sequentem depræ-
dicat mixturam:

Rx. Mellis rosar. ℥j. ægyptiaci ℥ij.

Ol. Oli gutt. aliquot. M.

Pro *consolidatione* autem *foveolarum*, atq̃ve *sulcorum* cum reliq̃vâ labiorum carne *aquatione*, vel applicetur *linimentum Bootii* è *saccharo* ꝥ *ni*, *aquâ plantaginis*, & ☉ *rosaceo* confectum, vel quod remedium, in *Moniali* octo annorum *jugi obsequio* & *filiali cultu* prosequendus *Dominus Parens meus*, utile pro hoc scopo annotavit, *sirupus de rosis siccis* illis illinatur parum addito *aluminis usti*; vel labrofulcio ex ejusdem singulari observatione inspergatur *nux moschata ad ignem ustulata* & *pulverisata*, eine zu Kohlen gebrandte Muscatnuß / utpote quæ egregie exsiccat & consolidat. *Joh. Munnicks Med.D. & Profess. Celebris in Univers. Ultraject. Prax. Chirurg. l. III. cap. XIII.* aliàs in labiorum ulceribus præscribit *ungt. rosac. nutritum* & *album camphoratum* aliquamdiu in mortario plumbeo invicem permiscenda & subigenda. Ab *Excellentissimo D. D. Hoffmanno Juniore* sequens accepi.

Rx. Ungt. nihili ℥℔.

pomat.

de liquirit. an. ℥ij.

☉ ovor. ℥ij.

Spermat. ceti

Ocul. ☿ præp. an. ℥j.

Camphor. gr. iv. M. ad Usum.

Ceterum sciendum, si cum *luis* ♀ *eæ* contagio labrofulcium sit conjunctum, & refractarium blandioribus cedere nolit, ▽ *m aluminosam* *Gabr. Fallopii*, ab eo præscriptam *de morbo gallico cap. XCIII. p. 742.* vel *aquas virides* *Plateri* & *Tr. Hartmanni*, legendas in hujus *Prax. Chymiat. cap. LII. §. 4. & 5.* in subsidium vocandas, tum *curationem* etiam internam adversus *luem* ♀ *eam* instituendam esse.

XV.

Quod superest , quia sine *Dietâ* omnis remediorum
usus frustraneus deprehenditur , ejusdem quoque ratio
habeatur : Videlicet infantes detineantur in contuberniis
aëre temperato gaudentibus , *frigus* omne ambiens dili-
genter arceatur , sæpius parentur *suffimigia* ex *tacamahaca*,
mastiche , *olibano* , *storace*, *succino*, mater quoque ac nutrices
sibi caveant à corporis refrigeratione , hisque pariter ac in-
fantibus , quamdiu lactationi vacant , prohibeantur *edu-*
lia acria, acida, & condita, fumo indurata, viscida, glu-
tionosa concoctu difficilia, non minus æqua *quantitas* in
assumendis nutrimentis attendatur ; *vinum* interdicatur
acido saturum , *motus corporis* sit moderatus justo tempo-
re procurandus, *vigilia* per *hypnotica* vel *opiata* correctâ se-
dentur , *diaphorisis* per frictiones cum linteis calentibus
liberior reddatur , *alvus* segnior cibis laxantibus promo-
veatur, vel *enematum* vel *suppositoriorum* ope sollicitetur, de-
nique *animus* ad *hilaritatem* per ludicra aliaque oculis &
auribus grata objecta componatur.

XVI.

Et hæc pro ingenii modulo de affectu satis gravi
proferre mihi licuit, Tu BENEVOLE LECTOR ea qua-
liacunq; boni consule & fave , Tua autem , ô TER
SANCTE DEVS , Gratia maneat super me,
sicut in Te spero !

T A N T V M .



◉ I. ◉

Die Ehre folget stets der Tugend auf den
Fuß;

Drum / **E**dler **R**anger / sie auch billich Dich
bekrönet /

Ich wünsche / wie Dein **W**itz der Seuchen **M**acht
verhönet /

So auch Dein **G**lücke stets nach **W**unsch Dir fol-
gen muß.

Dieses hat dem **H**erin **D**OCTORANDO,
seinem werthen **T**isch-**C**ompagnon
beysetzen wollen

F. H. L. Baro de STAIN.

◉ II. ◉

NOmen habes Patris celebris , precor omine
fausto,

Gloria Te posthac non minor ut maneat:
Nunc ergo ad pugnam doctam conscende ca-
thedram ,

Atq; solutis hinc victor abi dubiis.

*His paucis Nobil. & Clariss. DN. RAYGERO,
Fautori pl. honorando, inter dolores ar-
thriticos FELICITER! acclamat*

MAVRICIVS HOFFMANN, Med. D.
& Profess. primar. Facult. suæ Senior
& h. t. **DECANVS.**

III.

VT spectat cœlum & supervolat Ardea nubem
 Altam, sic Tua mens culmen honoris avet,
 Chara Deûm soboles, & prima Parentis imago
 Magni, qvem fervet Gratia Dia diu!
 RAYGERE, Aonidum decus ingens, pande labella,
 Et labii sulcos ore nitente doce.
 En! palmæ pretium monstrat Tritonia Pallas,
 Sub publico applausu qvod meritum capies.

Nobiliss. DN. DOCTORANDO

Fautori suo è primis

dilecto,

de felici studiorum catastrophe

¶

obtinendâ propediem Doctorali Laureâ

amicâ mente manuq;

inter occupationes

gratulatur

JOH. MAVRICIVS HOFFMANN, D.

Sereniss. Marchionis Brandenburgico-Onoldini

Consiliarius & Archiater, Anatom. & Chem. Prof.

Publ. in Vniversitate Patriâ.

IV.

Cheilocaces morbo haud resonans Chelys ulla medetur,
Sed Chelis validis pellit Apollo malum:
 Pæonicheilus & hinc RAYGER celebrabitur, istam
 Cheilocacen pariter Pantagatha excipient.

cum voto

μολομαχαερμουακροβιότης ¶

SYMPATRIOTÆ & SYSSITO suo amicissimo

sincera mente manuq;

Tetrastichon hoc festin' appos.

D. G. MOLLER.

Dum

V.

DVm juvat informes labiorum promere nævos
 Hos monstras labium non temerare tuum
 Hincce tuum labium monstrat Cathedra ampla diser-
 tum

Atq; docet varias mentis & oris opes
 Inde decus tibi proveniat, labiis celebrentur
 A nostris semper nomen honosq; tuum.

*Hisce Nobilissimo DNO DOCTORANDO
 de labiorum vitiis doctissime differenti
 felicia quæq; apprecari voluere*

Ejusdem
CONVICTORES.

VI.

Ad

Nobilissimum Clarissimumq;

DN. CANDIDATVM,

Cognatum multo honoratissimum,

de

LABROSVLCIO

disputaturum.

NOn fonte labra prolui Caballino,
 Te differentem de tumore labrorum
 Vt inclytis ornare laudibus possem.
 Id unicum non à labris precor summis,
 Sed pectore imo, Phœbus ut tuos ausus
 pleno ore laudet, ac σοφῶς! Tibi acclamet.

Scrib. lib. meritoq;

JOH. SIGISMVNDVS WERNBERGER.

